

2454

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede



Босна и Херцеговина
Федерација Босне и Херцеговине
КАНТОН САРАЈЕВО
Министарство привреде

2129

Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-04-05-15502/19
Sarajevo, 13.08.2019. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na zastupničko pitanje, dostavlja se.

Na 7. Radnoj sjednici Skupštine Kantona Sarajevo, održanoj dana 17.04.2019. godine u okviru tačke Dnevnog reda "Poslanička/zastupnička pitanja, inicijative i odgovori", zastupnik **Elvis Vreto**, postavio je zastupničko pitanje koje se odnosilo na Odluku o zaštiti izvorišta Sarajevsko polje.

Pitanje glasi:

„Na 3. radnoj sjednici sam postavio pitanje u vezi neobjašnjivo dugog protoka vremena da Odluka o zaštiti izvorišta Sarajevsko polje nije donijeta. Obzirom da sam dobio odgovor Ministarstva privrede kojim nisam zadovoljan a kako se radi o jednom od najznačajnijih pitanja za građane KS molim sve zastupnike a pogotovo i one koji su postavljali pitanja vezena za ovu problematiku da obrate pažnju na odgovor i sljedeće:

Moje pitanje se odnosilo na dostavu odgovora u vezi razloga za protek osam godina od pokretanja postupka za donošenje Odluke o zaštiti izvorišta Sarajevsko polje a za koju smo do sada platili nekoliko stotina hiljada maraka. Također sam pitao da li se na osnovu izmjenjenog čl. 43. Zakona o vodama Kantona Sarajevo donijeti Privremena Odluka o zaštiti izvorišta Sarajevsko polje.

Ministarstvo odgovara da zbog neusklađenosti Zakona o vodama F BiH i RS nije bilo moguće donijeti Odluku. Istina je da postoje različiti nazivi organa/Vlada u FBiH i Ministarstvo u RS koji trebaju zajednički donijeti Odluku obzirom da se zone sanitarne zaštite prostiru na oba entiteta ali je ovo davno poznato iz važećih zakona i podzakonskih akata: Zakon o vodama F BiH "Sl. novine FBiH", br. 70/06, Pravilnik o načinu utvrđivanja zona sanitarne zaštite za izvorišta za javno snabdjevanje stanovništva "Sl. novine FBiH", br. 88/12 kao i elaborat zaštite iz 2012. god.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Dakle čekamo 4 godine pa kao spasonosno mijenjamo Zakon o vodama KS ("Sl. novine KS", broj 42/16), pa onda čekamo godinu da formiramo komisiju za ocjenu elaborata i izradu Nacrta Privremene Odluke. Nakon proteka 1 godine komisija dostavlja izvještaj i Nacrt Odluke.

Prolazi još jedna godina od dostave nacrta da bi sada nakon mog pitanja bilo dato obrazloženje da će biti poslan nacrt Vladi na daljnju proceduru.

Svakako evidentni prekidi aktivnosti su doveli do ovakvog kašnjenja, koje se najvećim dijelom odvijalo u proteklim mandatima i sigurno je jedno, da oni koji su ovaj najznačajniji projekat doveli u blokadu, u najmanju ruku moraju biti imenovani, kako bi izgubili šanse za ponavljanje neodgovornog djelovanja.

Nažalost nisam na ovo dobio odgovor Ministarstva.

Nadalje Ministarstvo se poziva na Nacrt Privremene Odluke dostavljen od komisije ali ne navodi da komisija u svom izvještaju tačka 2.2.4. strana 11. tačka 2. navodi da bi se elaborat morao preraditi kako bi Vlada stekla nadležnost za daljnje učestvovanje u ovoj proceduri. Na isto obavezuje i stav 2. izmjenjenog člana 43. Zakona o vodama KS koji definiše, da se mjere zaštite utvrđuju Odlukom i elaboratom koji je kako vidimo osporen.

Stoga je nejasan ovakav previd a što znači novo produženje agonije.

Ponavljam da je komisija uslovila donošenje Privremene Odluke izmjenama Elaborata, pa ako izmjene nisu izvršene kako upućujemo Vladi na daljnju proceduru?

Moram reći da mislim da očigledno nedostaje kompetencija, sa elementima finansijske zloupotrebe, jer se iznalazi model utemeljen na važećoj legislativi kako bi se ovaj složeni problem blokade projekta otkočio i doveo zadanom cilju. Obzirom da sam u prošlosti bio dio radne grupe u Općinskom vijeću Ilidža koja se bavila ovom problematikom vodozaštitne zone moram istaći apsolutno nezadovoljstvo pristupom ka rješavanju problema kao i ne postojanje odgovornosti. Kako je moguće da jedna te ista osoba bude angažovana u timu za izradu Elaborata i daje pozitivno mišljenje a zatim i u Komisiji za ocjenu elaborata u ime Ministarstva u kojoj iznosi mišljenje da Elaborat ne ispunjava uslove?.

Molim resornog ministra Bašića koji nema apsolutno nikakvu odgovornost za prethodni period kao ni sadašnja Vlada, da uradi reviziju i analizu, uzimajući u obzir sve gore navedeno kako bi Vlada na pravi način reagovala i donijela kvalitetna i dugoročna rješenja za donošenje odluke po pitanju Vodozaštitne zone Sarajevsko polje."

Odgovor:

U prošlom odgovoru na vaše poslaničko pitanje dat je ispran odgovor vezano za status Prijedloga Privremene Odluke o zaštiti izvorišta vode za piće u Sarajevskom polju. Ovim odgovorom daćemo nekoliko važnih napomena. Naime prostor na kojem se prostiru vodozaštitne zone izvorišta Sarajevsko polje s pravnog aspekta je zaštićen "Odlukom o zaštiti izvorišta vode za piće u Sarajevskom polju („Službene novine Grada Sarajeva“, broj 2/87)" i iste se treba striktno pridržavati. Upravitelj vodozaštitnih zona KJKP "Vodovod i kanalizacija" d.o.o Sarajevo i nadležne inspekcije trebaju preduzimati sve mjere zaštite kako bi se zaštitio prostor, kvalitet i kvantitet vode u izvorištima. Odluka iz 1987. godine o zaštiti izvorišta vode za piće u Sarajevskom polju svojim obuhvatom štiti izvorišta vode u Sokolovićima, Stupu i Bačevu-Konacima ali se trebaju poštovati, kontinuirano poboljšavati i obavezno provoditi mjere zaštite, putem upravitelja zona u ovom slučaju putem KJKP "Vodovod i kanalizacija" d.o.o Sarajevo, kojem su vodozaštitne zone mjesta obavljanja djelatnosti tj. mjesta izgrađenih vodnih objekata za zahvatanje vode.

Takoder imamo obavezu informisati Vas da su granice obuhvata postojeće važeće Odluke iz 1987. godine mnogo šire od granica koje se predlažu Privremenom Odlukom, zbog toga što su granice Privremene odluke određene na osnovu važećeg "Pravilnika o načinu utvrđivanja uslova za određivanje zona sanitarne zaštite i



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



zaštitnih mjera za izvorišta vode za javno vodosnabdijevanje stanovništva („Službene novine Federacije Bosne i Hercegovine“, broj: 88/12)", a važeći Pravilnik svojim odredbama u velikoj mjeri skraćuje zone sanitarne zaštite. Skraćenje zona samo po sebi predstavlja problem prilikom provođenja mjera zaštite te stvaranje ozbiljnih pretpostavki za trajnu uzurpaciju šticeenog područja te stvaranje osnova za promjenu namjene sada šticeenog vodozaštitnog prostora u obuhvatu zona sanitarne zaštite. Stručna Komisija je imajući u vidu sve okolnosti i potrebe za vodom Kantona Sarajevo u svom Izvještaju o radu dala smjernice zaštite te ukazala pored ostalih problema i na taj problem.

Uzimajući u obzir metodologiju na osnovu koje se utvrđuju obuhvati granica zona sanitarne zaštite, na čiji obuhvat i veličinu direktno utiče količina vode koja se crpi te povećanjem crpljenja količina vode iz izvorišta shodno zakonima hidraulike povećava se i prostorni obuhvat granica. Poznato Vam je da su potrebe za vodom sve veće u Kantonu Sarajevo, a samim time i crpljena vode iz podzemnih izvorišta se povećavaju, što povećava obuhvat zona sanitarne zaštite.

Prema tome navedena važeća Odluka iz 1987. godine o zaštiti izvorišta vode za piće u Sarajevskom polju svojim obuhvatom štiti izvorišta vode i u Sokolovićima, Stupu i Bačevu-Konacima ali se trebaju i moraju poštovati, kontinuirano poboljšavati, osavremenjavati, prilagođavati i obavezno provoditi mjere zaštite izvorišta, putem upravitelja zona u ovom slučaju putem KJKP "Vodovod i kanalizacija" d.o.o Sarajevo, kojem su vodozaštite zone mjesta obavljanja djelatnosti tj. mjesta izgrađenih vodnih objekata za sadašnje i buduće zahvatanje vode.

1



Dostavljeno:

- Skupštini Kantona Sarajevo,
- Vladi Kantona Sarajevo,
- a/a.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

